

Sūpaenuwaishan ke samajho

Pesafik aur Timor-Leste karamchārilonḡ ke khatin ek gāiḡ

Sūpaenuwaishan konchi he?

Sūpaenuwaishan, ya 'sūpa' Aṣṭrelia ke rītāementḡ ke bachat ke sistām he. I aur Pesafik desh me chale la Neshnal Prōviḡaḡ Fandḡ ke rakam he.

Jab āp Aṣṭrelia me kām karta he, to āp ke bōs āp ke nōmal talab ke 11% ke rakam alag se sūpa ke bhare he. Āp ke sūpa ek nimit sūpa akāuntḡ me bhara jae he, jaha u rahe jab tak ki āp ghare lauḡ ke uske klaim nai karta he.

Āp ke kām ke pura samae tak, i ek accha vichār he ki chek karo ki āp ke bōs āp ke nimit sūpa fandḡ me bhare he aur u sahi rakam he. Āp ke bōs ke jimwāri he ki āp ke sūpa koṭli bhare (kuch sait chune us se aur jaldi jaldi bhare ke).

Dheyan rakhna: 11% sūpa garantī 1 Julāe 2023 se har sāl 0.5% baḡhe he jab tak ki u 12% nai hoe jāe. 11% ke mātra kahli lāgu he 30 Jūn 2024 tak.

Kab ham sakta he apan sūpa klaim kare?

Āp sakta he apan sūpa ke klaim kare agar āp:

- Aṣṭrelia se laūt gaya he aur āp ke visa ekzpaya hoege he ya kensal hoege
- āp ke pās ab Aṣṭrelia ke visa nai he (ṭiuristḡ visa isme shamil he), aur
- Aṣṭrelia ya Niu Zilēḡ ke siṭizan nai he, ya Aṣṭrelia ke pēmanantḡ resiḡaḡ nai he.

Jab āp Aṣṭrelia me rahta he tab āp apan sūpa ke klaim nai sakta he kare lekin hamlong āp ke **pura salah dega** ki āp apan sab jānkari le ke aplikaishan suru kar do jāe se pahile. Aur jānkari 'kon jānkari hamme mango jano DASP klaim ke khatin' ke niche shamil he. Sait āp ke kaḡa paḡi suru kare ke jab āp Aṣṭrelia se chal dega.

Sūpa = bhavish ke khatin bachat

Ham kaise apan sūpa klaim kari?

Onlāin Aṣṭreliaḡ tekshaishan ofis se

Sab se asān tarika apan sūpa klaim kare ke rasta he ATO's Ḍipāṭing Aṣṭreliaḡ Sūpaenuwaishan Paementḡ (DASP) se aplāe karo fri onlāin aplikaishan sistām se.

DASP āp ke sūpa ke bare me jānkari dai, aur sathe i bhi batai ki u kaha pe rakhal he. Āp ke desh se jāe kitna din bhae he aur āp ke visa kab ekxpaya bhae he i nirbhar kari ki āp ke sūpa sait abhi bhi sūpa fandḡ me hoi ya Aṣṭreliaḡ Tekshaishan Ofis (ATO) me rakhan hoi.

[ATO ke websāit](#) ke pās aur jānkari he aur ek viḡio gāiḡ.

Agar āp onlāin klaim nai kar pata he?

Agar āp DASP onlāin se klaim nai kar pata he, āp DASP ke ek paipa fōm de ke klaim kare sakta he, lekin āp mango sahi fōm ke istamal karo jon nirbhar he ki āp ke paisa kaha he.


◀ Agar āp ke sūpa jon rakhan he (āp ke sūpa ke belans) \$5000 se uppar he tab āp ke Seṭifikaishan of Imīgraishan Ṣṭaitas (fōm 1194) ke bhi bhare ke paḡi Ḍipāṭmentḡ of Haūm Afeas se. Is ke kharcha abhi \$55 he. Aur jānkari ke khatin: <https://immi.homeaffairs.gov.au/entering-and-leaving-australia/leaving-australia> pe jāo.

◀ ATO websāit pe jāo aur jānkari ke khatin, jis me agar āp onlāin klaim nai kare sakta he to paipa fōm aur nirdesh dewal he palan kare ke. U sait pe jānkari la ek viḡio bhi dewal he DASP ke bare me. Jāo: <https://www.ato.gov.au/individuals-and-families/super-for-individuals-and-families/super/temporary-residents-and-superannuation/departing-australia-superannuation-payment-dasp> pe.

DASP = Dipāṭing Aṣṭrelia Sūpaenuwaishan Paemanṭ



DASP Onlāin pe sain kar lo jab āp Aṣṭrelia me hi he.



Apan visa ekxpāerī daiṭ ke Haum Afeas websaiṭ pe chek kar lo.

DASP Onlāin kaise kām kare he?

Āp apan DASP akaunṭ Aṣṭrelia choḍe se pahile sakta he set kar le. DASP klaim ke suru kare ke khatin DASP onlāin pe jāo aur banāo ek 'sheāḍ sikret'. Āp ke sheāḍ sikret āp ke mauka dai apan klaim ke pura kare me jab āp ghare lauṭ ke chal dega aur āp ke visa ekxpaya hoe jai ya kensal hoe jai. [Hia pe apan sheāḍ sikret ke bare me aur jano.](#)

Jab āp ghar lauṭ jaega, tab āp ek kompiṭa aur inṭāneṭ se apan DASP klaim ke sabmiṭ karega. Agar āp apan Aṣṭrelia la benk akaunṭ khula rakha he, to āp ke paisa sidha wahi akaunṭ me chala jai.

Ham kaise jani ki hamar visa ekxpaya hoege he?

Aṣṭrelia choḍe se pahile, apan visa ke ekxpayri daiṭ chek kar lo. Āp ke bōs i āp ke sake he de. Ya āp Visa Entāetlment Verifikaishan Onlāin (VEVO) sistām me log in kar ke apan visa ke ṣṭiṭhi jane sakta he.

Āp aur jānkari: <https://immi.homeaffairs.gov.au/visas/already-have-a-visa/check-visa-details-and-conditions/check-conditions-online> pe pae sakta he.

Dheyan rakhna: āp apan sūpa tabe klaim kare sakta he jab āp Aṣṭrelia choḍ ke chal diya he aur āp ke visa ekxpaya hoege he. Jon visa khali che mahina tak veliḍ he uske āp kensal nai sakta he kare.

Konchi hoi agar ham ek malṭi-ia visa pe he?

Agar āp ek chota-samae ke khatin karamchāri he ek malṭi-ia visa pe to āp sūpa nai klaim kare sakta he jab tak ki āp akhri bār ghare lauṭa nai he aur āp ke visa ekxpaya hoege he. Malti-ia visa ke kensal NAI KARNA jab tak ki āp Aṣṭrelia me sab kām khatam nai kara he. Agar āp kara, to āp ke ek nawa visa ke paisa bhare ke paḍi lauṭe ke, aur u sait āpke nai mili.

DASP kaise bharae he?

DASP jada kar ke 28 din me bharae jae he pura aplikaishan de ke bād. Paemanṭ ke khatin ek aplikaishan jon pura bharan nai he ya kuch dokiumenṭs sathe nai he uske deri hoe jai. Dheyan rakhna ki āp ke aplikaishan pura bharan rahe.

Āp ke sūpa āp ke Aṣṭrelian benk akaunṭ me bharae jai agar āp benk ke jānkari diya hoega, ya āp ke pās pausṭ hoe jai Aṣṭrelian ḍola chek me, ya inṭāneshnal manī ṭransfā (khali kuch fanḍ aplikaishan ke) bharae jai. Dher aovāsīs benklong Aṣṭrelian chek nai lai aur sab fanḍ 3 rakam se sab paemanṭ ke tarika nai dai. Aṣṭrelia choḍe se pahile apan sūpa fanḍ se bāt kar lena ki kon rakam ke paement ke tarika sab se accha rahi aur uspe koi fīs aur chāj rahi ki nai. Agar āp

chuna ki āp ke sūpa āp ke Aṣṭrelian benk me bharae to āp **mango ekdam khiyal** se apan Aṣṭrelian benk akaunṭ khula rakho.

Agar āp apan visa ke ekxpāeri daiṭ se che mahina ke bich me apan DASP ke claim nai kara, to āp ke sūpa sait ATO me chala jai aur wahi pe rahi jab tak āp klaim nai karega. ATO me rakhal sūpa khali Aṣṭrelia ke benk akaunṭ me bharai ya to āp ke pās pausṭ kara jai Aṣṭrelian ḍola ke chek me.

DASP kaise teks hoe he?

Āp ke DASP āp ke mile se pahile teks hoe jae he, jada kar ke 35-45% ke raiṭ pe. Āp ke paemanṭ ke samri mili jisme āp ke salah dewa jai ki kitna paisa DASP teks me kaṭa he aur kitna paisa āp ke bharan he.

Kon jānkāri ke hamme jarūrat he DASP ke klaim kare ke khatin?

Āp ke vektigat jānkari āp ke pahchan ke khatin

- Aṣṭrelian teks fael namba (TFN)
- pura nām
- janam ke tarik
- edras jab ghar lauṭ jaega
- faūn namba jab ghar lauṭ jaega
- imail edras
- Aṣṭrelia me akhri edras
- pāspoṭ ke jānkari

Sūpaenuwaishan fanḍ ke vivran

- āp ke fanḍ ke nām
- āp ke fanḍ ke Aṣṭrelian Bisnas namba (ABN)
- āp ke sūpa akaunṭ namba

Sahayak dokiumenṭs

- seṭifāiḍ karal āp ke pahchān ke dokiumenṭs agar āp ke sūpa ke kimat \$5000 se jada he
- āp ke Aṣṭrelia ke benk akaunṭ ke ek benk ṣṭaiṭmenṭ ke kopi jis me āp ke paisa bharai.

Seṭifaiḍ kopi āp ke pahchan ke dokiumenṭs ke

Agar āp ke sūpa \$5000 se jada he to āp ke sūpa fanḍ āp ke pahchan ke seṭifaiḍ kopi mangi. Is me hoe sake he āp ke abhi ke pāspoṭ jisme āp ke fōṭo he, pāspoṭ namba, pāspoṭ kon desh ke he, aur pāspoṭ ke ekxpieri ḍaiṭ. Yato, āp ke abhi ke ḍraivaz laesans, ya neshnal aedenṭiṭi kāḍ.

I asān rahi ki āp apān dokiumenṭs ke ek [apruvd seṭfāya](#) se seṭifae karae lo jab Aṣṭrelia me he. Āp apān bōs se bhi sakta he chek kar le ki kaise dokiumenṭs seṭifae karao.

Āp apān pahchan ke dokiumenṭs ke ghare lauṭe ke bād bhi sakta he seṭifae karae. I sab insānlong Aṣṭrelia ke bahar aāp ke pahchan ke dokiumenṭs ke sake he seṭifae kare:

- nōṭari pabliks
- āp ke nazdik ke Aṣṭrelian
 - embāsi
 - Hāe komishan
 - Konsalaṭ - jisme shamil he konsalaṭs jon Aṣṭraid Onarari kaunsels ke niche he.

Ek seṭifaya āp ke sāmne ek ek kopi ke mango seṭifae karo ki i ek saccha aur sahi kopi he original dokiumenṭ ke.

Aur maddat mangta he?

Agar āp maddat mangta he apān onlāin DASP aplikaishan ke bhare ya to apān seāḍ sikret ke rikava kare, to plīs:

- onlāin jāo ATO websāiṭ: [Departing Australia superannuation payment \(DASP\) | Australian Taxation Office \(ato.gov.au\) pe](#)
- [ATO web pajj jis me jānkari DASP onlāin aplikaishan sistam](#) ke bare me he us pe jāo.
- imail karo (DASPmail@ato.gov.au) - plīs dheyān rakhna ki i ek surakchit chenā nai he aur iske wapās jawab de me sait 28 din lag jai. Āp ke i sab jānkari de ke paḍi agar āp ATO ke imail karta he:
 - pura nām aur janam ke tarik
 - pāspoṭ kon desh ke he aur pāspoṭ namba
 - imail edras aur faūn namba
 - Aṣṭrelia ke akhri edras
 - sūpa fanḍ ke nām (agar malum he)

- apān fanḍ ke koṅṅekṭ karo – kafi sūpa fands DASP ke jānkari onlāin rahe he, ya āp ulong ke siddha kol kare sakta he
- ATO ke Aṣṭrelia se kol karo (13 10 20) pe 8:00 am se 6:00 pm ke bich me, Sammār se Suk tak.
- agar āp Aṣṭrelia me nai he, ATO ke (+61 2 6216 1111) pe kol karo 8:00 am se 5:00 pm ke bich me Aṣṭrelian Īstan Ṣṭenḍaḍ Ṭāem, Sammār se Suk tak.
 - Agar āp Inglish choḍ ke koi aur bhasa me mangta he bāt kare to translaiṭing aur inṭapreṭing sewa (TIS Neshnal) (+61 3 9268 8332) pe kol karo aur rikwest karo ki ATO ke joḍe āp ke chahe wala bhasa me.
- apān bōs se maddat ke khatin pucho.

